



Funded by
the European Union

Od osnaživanja do promjene – ambasadorice i ambasadori ženskih prava u Bosni i Hercegovini

Centar za edukaciju i istraživanje „Nahla“ za potrebe projekta „Od osnaživanja do promjene - ambasadorice i ambasadori ženskih prava u Bosni i Hercegovini“ koji se realizira uz finansijsku podršku Evropske unije, a implementira u partnerstvu DVV Internationala, Centra za edukaciju i istraživanje „Nahla“ i Udruženja SARA – Srebrenica raspisuje:

JAVNI POZIV

za angažovanje konsultanta/ice za izradu nastavnog programa o ženskim ekonomskim i socijalnim pravima i edukaciju trenera

UVODNE INFORMACIJE

Opći cilj projekta „Od osnaživanja do promjene - ambasadorice i ambasadori ženskih prava u Bosni i Hercegovini“ je unapređenje ambijenta za zaštitu socijalnih i ekonomskih prava žena iz ranjivih kategorija u BiH.

Specifični cilj vezan za angažman konsultanta/ice: Osnažiti žene iz ranjivih kategorija da postanu lokalne ambasadorice i zagovaračice ženskih prava kroz organizaciju edukativnih radionica i saradnju s lokalnim stakeholderima.

Područje implementacije projekta: Tuzlanski kanton, Unsko-sanski kanton i regija Birač u Republici Srpskoj.

Tok projekta nakon kreiranja i usvajanja nastavnog programa: Nakon kreiranja i usvajanja nastavnog programa bit će realiziran trening za trenere. Trening će obuhvatiti osnove obrazovanja odraslih i metodologiju implementacije nastavnog programa.

PREDMET JAVNOG POZIVA

Predmet nabavke je pružanje usluga, kako slijedi:

A) Izrada nastavnog programa edukacije o ženskim ekonomskim i socijalnim pravima u Bosni i Hercegovini.

Osnovne informacije o programu i polaznicama:

Dob polaznica koje će pohađati program je 25-70 godina. U fokusu su polaznice iz ranjivih kategorija, polaznice s invaliditetom, nezaposlene žene ili žene iz ruralnih područja. Edukacija po kreiranom programu će se provoditi u okviru grupa sastavljenih od po maksimalno 20 polaznica.

Trajanje programa je 36 nastavnih časova. Trajanje nastavnog časa je 45 minuta. Materija treba da se fokusira (ali ne ograničava) na: obrazovanje, zdravlje, pravo na



Funded by
the European Union

Od osnaživanja do promjene – ambasadrice i ambasadori ženskih prava u Bosni i Hercegovini

rad, status žene u lokalnoj zajednici, zaštitu od nasilja, a sve u cilju motiviranog i kompetentnog djelovanja u lokalnim zajednicama.

B) Priprema i realizacija radionica u okviru treninga za trenere

Za potrebe pripreme trenera za implementaciju programa (obuhvaćenog stavkom A ovog javnog poziva) konsultant/konsultantica angažovan/a po ovom pozivu pripremit će i realizirati radionice o implementaciji nastavnog programa.¹

OPIS ZADATAKA I ODGOVORNOSTI

A) Izrada nastavnog programa edukacije o ženskim ekonomskim i socijalnim pravima u Bosni i Hercegovini.

- 1. Upoznavanje s gender akcionim planovima ili drugim relevantnim lokalnim politikama u cilju identifikacije područja od interesa za izradu radionica utemeljenih na potrebama identifikovanih područja.**
- 2. Detaljno razrađivanje programa edukacije o ženskim ekonomskim i socijalnim pravima koji treba da sadrži:**
 - Trajanje programa i raspored programskih oblasti po modulima;
 - Opće i specifične ishode;
 - Načine provjere ishoda, s jasno definisanim indikatorima za mjerenje uspješnosti svakog ishoda;
 - Završetak programa i mogućnosti daljeg usavršavanja;
 - Kadrovske uslove za realizaciju programa;
 - Prostorno-materijalne uslove neophodne za izvođenje programa;
 - Načine i oblik izvođenja programa (navesti nastavne metode i opisati metodologiju);
 - Evaluaciju programa (sadržaj upitnika za provjeru znanja polaznica prije pohađanja programa i nakon pohađanja programa koji će omogućiti procjenu utjecaja programa na polaznice i identifikaciju područja za unapređenje);
 - Prikaz nastavnih sadržaja s rasporedom tema i fondom časova (oblast, tema, fond časova);

¹ Trening za trenere će trajati ukupno 2 uzastopna dana i sastojat će se od:

- radionica koje za cilj imaju osposobiti trenere za rad s odraslima, a koje će realizirati stručna osoba iz oblasti andragogije (nije predmet ovog javnog poziva) i
- radionica o implementaciji nastavnog programa koje će realizirati osoba angažovana po ovom javnom pozivu.



Funded by
the European Union

Od osnaživanja do promjene – ambasadorice i ambasadori ženskih prava u Bosni i Hercegovini

- Znanja, vještine, kompetencije koje se stječu nakon završetka programa, po nastavnim jedinicama;
- Prijedlog vježbi po nastavnim jedinicama (cilj vježbe, metodologija, vrijeme trajanja vježbe, koraci);
- Popis preporučene literature za edukatore;
- Savjeti, smjernice, preporuke koordinatoru projekta i didaktičke preporuke edukatorima u odnosu na raznolikost budućih ciljnih grupa.

Program treba da obrađuje sljedeće teme (ne ograničavajući se samo na njih):

- Soft skills vještine (samopouzdanje i samopoštovanje, komunikacijske vještine i motivacija za rad u zajednici).
- Definicija pojmova i pravni okvir vezan za ženska ekonomska i socijalna prava. Potrebno je uzeti u obzir lokalitete na kojima će se program implementirati i prioritete definisane u okviru odjeljka - Predmet javnog poziva;
- Institucionalni okvir i mehanizmi materijalne i nematerijalne pomoći u područjima implementacije;
- Najčešća kršenja/uskraćivanja ženskih ekonomskih i socijalnih prava u BiH;
- Prepoznavanje prilika za djelovanje i mehanizmi djelovanja u cilju unapređenja ženskih socijalnih i ekonomskih prava u područjima implementacije programa;
- Najdjelotvorniji načini komunikacije s akterima (lokalne vlasti, udruženja građana i druge institucije od interesa za temu) uzimajući u obzir područja implementacije programa;
- Zagovaranje (osnovno);²
- Put ostvarivanja prava na određene vrste materijalne i nematerijalne pomoći iz oblasti ženskih ekonomskih i socijalnih prava (npr., socijalne pomoći, naknade, poduzetništvo žena...) u područjima implementacije.

Program je potrebno kreirati sa što više praktičnih informacija od interesa za identifikovane kategorije i identifikovana područja rada.

B) Priprema i realizacija radionica u okviru treninga za trenere

3. Izrada prijedloga radionica za trenere o metodologiji rada kreiranog programa.

² Zagovaranje i lobiranje bit će uključeno s većim fondom časova u novi nastavni program, koji će se razvijati u 2025. godini po osnovu novog javnog poziva i koji će prolaziti nauspješnije polaznice ovog programa, stoga je zagovaranje preporučeno planirati u osnovnom, praktičnom i manjem obimu.



Funded by
the European Union

Od osnaživanja do promjene – ambasadrice i ambasadori ženskih prava u Bosni i Hercegovini

Maksimalno trajanje radionica s ovom temom je 1 radni dan (8h s uračunatim pauzama), u okviru kojih će se treneri upoznati s programom kroz praktične primjere i vježbe.

Materijal može biti u formi agende, s potrebnim elementima uz prijedlog vježbi.

Trening za trenere će se realizirati za maksimalno 15 osoba u grupi, uz osiguravanje prostornih i materijalno-tehničkih uvjeta za realizaciju, što će biti obaveza Naručioaca.

4. Prisustvo na treningu za trenere i izvođenje radionica za trenere o metodologiji rada kreiranog programa.

Trening za trenere će se realizirati u Tuzli. Angažirani konsultant/konsultantica će sarađivati sa stručnjakom iz oblasti rada s odraslima koji će implementirati radionice za rad s odraslima u cilju što boljeg planiranja treninga i postizanja maksimalnih ishoda.

U toku implementacije predviđene su redovne konsultacije s Naručiocem, uz uvažavanje sugestija i prijedloga za unapređenje.

Angažirana osoba je obavezna dostaviti finalni proizvod i izvještaj o radu u skladu s rokovima.

VREMENSKI OKVIR IZVRŠENJA ZADATKA

A) 1. maj - 15. juni 2024.

Prijedlog programa potrebno je dostaviti na komentar najkasnije do 31. maja. Nakon komentara Naručioaca i prijedloga za korekciju potrebno je pristupiti finalizaciji dokumenta u skladu s rokom.

B) 15. juni - 1. august 2024. Izraditi prijedlog jednodnevne radionice za trenere o metodologiji rada kreiranog programa.

august-septembar 2024. Implementirati trening za trenere o metodologiji rada kreiranog programa. Precizan datum će biti dogovoren s angažiranom osobom.

NAKNADA ZA ANGAŽMAN

A) 1000 EUR bruto

B) 600 EUR bruto

S angažiranim licem će se zaključiti Ugovor u skladu s pozitivnim zakonodavstvom. Svi troškovi koje angažirana osoba može imati uračunati su u već iskazanu naknadu za angažman.



Funded by
the European Union

Od osnaživanja do promjene – ambasadrice i ambasadori ženskih prava u Bosni i Hercegovini

EKSPERTIZA ANGAŽIRANE OSOBE

Da bi prijava bila prihvatljiva mora sadržavati dokaze o potrebnim kvalifikacijama eksperta, kako slijedi:

- Biografija.
- Minimalno visoka stručna sprema (VSS), poželjno društvenog smjera (kopija diplome).
- Najmanje 5 godina profesionalnog iskustva u izradi programa iz oblasti vezanih za javni poziv.
- Realizirana najmanje 3 slična projektna zadatka (dostaviti reference).
- Obavezno iskustvo edukatora na spomenutim temama.
- Odlično poznavanje međunarodnih dokumenata i entitetskih propisa u oblastima javnog poziva.
- Odlično poznavanje stanja na terenu (posebno u područjima implementacije projekta).
- Izražene facilitatorske i edukatorske vještine (dostaviti listu referenci).
- Izražena sposobnost pismenog izražavanja.

KRITERIJI ZA IZBOR PONUDE

Prijave mogu dostaviti fizička lica, bilo da su registrovana kao obrti/samostalni preduzetnici ili ne. Naručilac će imenovati komisiju za evaluaciju pristiglih prijava koja će usvojiti bodovni kriterij i donijeti odluku o odabiru konsultanta na osnovu dokazane ekspertize u odnosu na potrebe projektnog zadatka i specifičnog iskustva angažirane osobe.

PODRŠKA

Konsultant/ica će tokom realizacije zadatka imati podršku projektnog koordinatora. Projektni koordinator će biti u redovnoj komunikaciji s angažovanim konsultantom/icom te blagovremeno dostaviti strukturirani odgovor ili preporuku, ukoliko to bude relevantno za postizanje rezultata Projektnog zadatka.

NAČIN PRIJAVE I POTREBNA DOKUMENTACIJA

Zainteresovani kandidati/kandidatkinje obavezni su poslati pismo namjere s prpratnim dokazima navedenim u dijelu „Ekspertiza angažovane osobe“ na e-mail adresu elvira@nahla.ba pozivajući se na predmet javnog poziva.

Rok za slanje prijave je **15. april 2024. u 12.00 h.** Svi zahtjevi za dodatne informacije ili pojašnjenja trebaju biti dostavljeni na e-mail adresu: elvira@nahla.ba



Funded by
the European Union

Od osnaživanja do promjene – ambasadrice i ambasadori ženskih prava u Bosni i Hercegovini

U Sarajevu, 2.4.2024.

Elvira Leka

Izvršna direktorica

Centar za edukaciju i istraživanje "Nahla"

